



## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De Adolpho sacerdote, qui in hostia vidit virginem cum infante, deinde agnum, postea crucifixum, cap. 3.

**urn:nbn:de:hbz:466:1-13177**

& ille alijs, quodā die de autore tantæ visionis interrogatus, me audiente respoñit: Certissimè illa die CHRISTVS hīc visus est, & nihil plus dicere voluit. Postea duobus sacerdotibus, Theoderico scilicet de Lureke & Constantino, visionem relauit: quod intelligens Winādūs infirmarius noster, posito eo in infirmitorio, ait: Bone frater Godeschalce, vidistis in missa Saluatorem? Respondente illo simpliciter, Etia, adiecit; In quali forma? In forma, inquit, infantis. Et ille, Quid fecistis ei? Respondit, Oscularus sum eum ante os suum. Ad quod Winandus, Et quid postea a-  
sum est: Ego, ait, super altare eum posui, & reuerso eo in formam priorem, sumpsi illum. Eadem die moriens confessus est Abbatu nostro domino Henrico. APOLLONIVS: Gloriosa sunt quæ dicis, sed miror, si talia aliquando reuelantur etiam malis sacerdotibus. CÆSARIVS: Sicut bonis ad bonitatis remunerationem, ita nonnunquam Dominus malis sacerdotibus se ostendere dignatur ad correctionem, verbi causa.

## CAPVT III.

**C**VM Dominus Abbas prædictam visionem, vi-  
sitandi gratia pergens in Frisiam, cuidam mi-  
liti recitaset, ille Adolpho sacerdoti de Die-  
ferne recitata replicauit: quod vbi ille audiuit, suspi-  
rans ait; Ad quid Dominus Deus viris sanctis, & in  
fide perfectis, talia ostendit? Mihi peccatori meique  
similibus, qui saepe de hoc Sacramento dubitamus,  
huiusmodi visiones deberent reuelari. Die quadam,  
cum idem Adolphus missam celebraret, & ante Agnus  
Dei hostiam leuasset ad frangendum, in ipsa hostia  
virginem in sede residere infantemque in sinu seruare  
cōtemplatus est: nosse volens quid esset, ex altera par-  
te, mox ut hostiā vertit, agnum in ea conspexit: quam  
rursum regirans, vedit in ea, quasi per vitrum, Christū  
in cruce pendentem capite inclinato. Videns hoc sa-  
cerdos extimuit, diu stans & deliberans, vtrūm ibi  
subsistere vel sacramentum perficere deberet; cuius  
actibus Dominus placatus, sacramēto formam prio-

M m 3

rem

rem reddidit, & ille missam perfecit: cumque popu-  
lus de tanta mora miraretur, ipse ambonem ascen-  
dens, cum lachrymis populo visionem retulit, & sig-  
nati sunt eadem hora ab eo homines quinquaginta;  
erat enim octaua Apostolorum Petri & Pauli. Nec  
miror, si sic perspicue, & tam iocundè, sicut Gode-  
schalcus, eum videre non potuit, quem quotidie ibi  
ad judicium immolauit & sumpsit: habebat enim co-  
cubinam, nuper tamen audiui, quod vitam suam, oc-  
casione ut spero eiusdem visionis, emendare incipiat,  
& feminam in monasterio sanctimonialium in Runc-  
gen locare proponat. Hæc mihi à Bernardo monacho  
nostro recitata sunt, ipsique ab eodem Adolpho. Sal-  
uator corporis sui veritatè in hoc sacramento, ut pre-  
fatus sum, bonis sacerdotibus ostendere dignatur, ut  
consolentur, in fide nutantibus, ut erigantur; male vi-  
uentibus, ut terreantur, ecce exempla.

## C A P V T . IV.

**V**enerabilis Episcopus Liuoniae, & magister La-  
bertus Decanus sanctorum Apostolorum in  
Colonia, cùm ante annos paucos simul ad cu-  
riam pergerent imperiale, & in via de scripturis let-  
mocinarentur, etiam mentio habita est de corpore  
Christi: Decano in hoc sacramento efferente fidem  
Christianam, episcopus respondit: Ego noui sacerdo-  
tem, qui nuper oculis corporalibus C H R I S T U M  
in altari vidi. A quo cùm Decanus personam, tanta  
visione dignam, extorquere tunc non potuisset, ultimæ  
die, quando separandi erant ab inuicem, episcopus  
ei confessus est, quia ipse esset. Hæc idem Decanus re-  
tulit Præposito Pleisensi, & ipse mihi. Quod vero  
Deus dubitantibus de hoc sacramento etiam suam  
carnem ostendat, subsequens sermo declarat.

## C A P V T . V.

\* al. Vrige  
ki. f.  
bvg. **N**ondum puto duos annos esse elapsos, quod sa-  
cerdos quidam de sacramento corporis Christi  
dubitans, in castro, cui nomé \* Wickindisburg,  
celebrauit, qui cùm in canone de tam mirabili con-  
uer-

